



Dyddiad creu: 17/01/2023
Dyddiad cyhoeddi: 28/02/2023
Rhif y fersiwn: 1.00

Maes Gwasanaeth:	Cymunedau
Maes Gwaith:	Strategaeth a Gweithrediadau Gwastraff
Manylion Cyswllt:	01443 866533 AILGYLCHU@CAERFFILI.GOV.UK
Enw'r Hysbysiad Preifatrwydd:	Hysbysiad Preifatrwydd Canolfannau Ailgyrchu Gwastraff y Cartref
Disgrifiad o'r Hysbysiad Preifatrwydd:	Bydd yr hysbysiad preifatrwydd hwn yn esbonio sut y bydd Cyngor Bwrdeistref Sirol Caerffili yn defnyddio gwybodaeth bersonol mewn perthynas â cheisiadau am drwydded safle.

Sut y byddwn ni'n defnyddio eich gwybodaeth chi

Y diben a'r sail gyfreithiol ar gyfer defnyddio eich gwybodaeth chi

Diben y gwaith prosesu

Gall y rhai sydd â faniau a/neu drelars ddefnyddio Canolfannau Ailgyrchu Gwastraff y Cartref yn y Fwrdeistref Sirol:

- Os ydyn nhw'n byw yn y Fwrdeistref Sirol
- At ddibenion gwaredu gwastraff y cartref neu wastraff adeiladu/dymchwel domestig yn unig.

Er mwyn sicrhau hyn, mae gennym ni system drwyddedau ar waith. Mae trwyddedau ar gael yn ein swyddfeydd arian parod ni neu ganolfannau gwasanaethau i gwsmeriaid. Er mwyn rhoi trwydded, mae angen yr wybodaeth / dogfennau canlynol:

- Prawf o gyfeiriad
- Prawf o berchnogaeth cerbyd (V5), prawf o logi cerbyd neu lythyr awdurdodi, a manylion cyswllt y perchennog cofrestredig
- Ffi (mewn perthynas â gwastraff adeiladu/dymchwel)

Mae'n ofynnol i drigolion gyflwyno dogfen V5 ar gyfer y cerbyd maen nhw'n bwriadu ei ddefnyddio i waredu'r deunyddiau. Mae angen yr wybodaeth i wirio bod y cerbyd yn bodloni'r meini prawf derbyn ar gyfer y safleoedd, er enghraifft, yn llai na 3.5 tonnall ac nad yw â chefn gwastad. Mae'n cael ei defnyddio hefyd i nodi a yw'r cerbyd yn fan fach neu'n fan fawr, a hynny at ddibenion codi tâl (£35 neu £70). Yna, caiff yr wybodaeth ei gwirio gan y cynorthwywyr ar y safle i sicrhau bod y drwydded gywir yn cael ei defnyddio ar gyfer y math o ddeunydd a maint y cerbyd.

Heb yr wybodaeth hon, byddai bron yn amhosibl cynnal y gwiriadau uchod. Byddai hefyd yn gadael y cynllun yn agored i gamddefnydd gan gasglwyr gwastraff didrwydded a allai ddefnyddio'r un cerbyd i gasglu o sawl eiddo ar ôl i berchennog yr eiddo gael y drwydded. Byddai hyn yn arwain at drigolion y Fwrdeistref Sirol yn ychwanegu at y gwastraff sy'n cael ei waredu gan weithredwyr didrwydded.

Mae'n hollbwysig bod yr wybodaeth hon yn aros ar y drwydded neu byddai'n gymharol hawdd osgoi'r gwiriadau a gallai danseilio llwyddiant y cynllun cyfan.

Bydd trwyddedau sy'n cael eu rhoi yn cynnwys rhif trwydded, disgrifiad o'r cerbyd a rhif cofrestru'r cerbyd a fydd yn cael ei ddefnyddio. Mae trwyddedau yn rhai defnydd sengl ac mae'n rhaid eu hildio i aelod o staff yn y Ganolfan Ailgylchu Gwastraff y Cartref rydych chi'n ei defnyddio.

Sail gyfreithiol ar gyfer y gwaith prosesu

Er mwyn i brosesu data personol fod yn gyfreithlon o dan y Rheoliad Cyffredinol ar Ddiogelu Data 2016, mae'n rhaid nodi amod dilys o Erthygl 6 o'r Rheoliad, a amlinellir isod (nid yw ar gael yn Gymraeg gan mai dyfyniad o ddeddfwriaeth nad yw wedi ei gwneud yn Gymraeg ydyw):

1(f) processing is necessary for the purposes of the legitimate interests pursued by the controller or by a third party, except where such interests are overridden by the interests or fundamental rights and freedoms of the data subject which require protection of personal data, in particular where the data subject is a child.

Pwy fydd yn cael mynediad at eich gwybodaeth chi?

Manylion y Rheolydd Data a'r Swyddog Diogelu Data

Y Rheolydd Data ar gyfer eich gwybodaeth chi yw Cyngor Bwrdeistref Sirol Caerffili. Y Swyddog Diogelu Data yw:

Mr Carl Evans
Rheolwr Llywodraethu Gwybodaeth Gorfforaethol/Swyddog Diogelu Data
E-bost: DiogeluData@caerffili.gov.uk
Ffôn: 01443 864322

Manylion am brif ddefnyddwyr eich gwybodaeth chi

Prif ddefnyddwyr eich gwybodaeth chi fydd ein swyddfeydd arian parod neu ganolfannau gwasanaethau i gwsmeriaid, a fydd yn rhoi trwyddedau ar ran y tîm Strategaeth a Gweithrediadau Gwastraff a'r Canolfannau Ailgylchu Gwastraff y Cartref sy'n rhan o'r tîm hwnnw.

Ceisiadau am wybodaeth

Mae'n bosibl y bydd yr holl wybodaeth a gedwir gan Gyngor Bwrdeistref Sirol Caerffili yn destun ceisiadau o dan Ddeddf Rhyddid Gwybodaeth 2000, Rheoliadau Gwybodaeth Amgylcheddol 2004 a deddfwriaeth Diogelu Data.

Os bydd yr wybodaeth wedi'i darparu gennych chi yn destun cais o'r fath, bydd Cyngor Bwrdeistref Sirol Caerffili yn ymgynghori â chi ynghylch ei rhyddhau, lle bo hynny'n bosibl. Os byddwch chi'n gwrthwynebu rhyddhau eich gwybodaeth chi, byddwn ni'n cadw'r wybodaeth yn ei hól, os bydd y ddeddfwriaeth berthnasol yn caniatáu i hynny ddigwydd.

Am ba mor hir y byddwn ni'n cadw eich gwybodaeth chi?

Manylion am y cyfnod cadw

Mae pa mor hir y mae Cyngor Bwrdeistref Sirol Caerffili yn cadw gwybodaeth yn cael ei bennu drwy ofynion statudol neu arfer gorau.

Cedwir trwyddedau am 3 blynedd.

Eich hawliau chi (gan gynnwys y Weithdrefn Gwyno)

Eich hawliau chi o dan y Ddeddf Diogelu Data

Mae'r Ddeddf Diogelu Data yn rhoi nifer o hawliau i destun y data (y rheiny y mae'r wybodaeth yn sôn amdany'n nhw):

- Hawl i gael mynediad at ddata gan y testun – mae ffurflenni cais ar gyfer y broses hon ar gael ar ein gwefan ni: [Ffurflen Gais am Fynediad at Ddata gan y Testun \(SAR\)](#)
- Yr hawl i gael gwybod
- Yr hawl i gywiro
- Yr hawl i ddileu
- Yr hawl i gyfyngu ar brosesu
- Yr hawl i wrthwynebu
- Yr hawl i gludadwyedd data
- Hawliau mewn perthynas â gwneud penderfyniadau a phroffilio awtomataidd.

Mae rhagor o wybodaeth am eich hawliau chi ar gael ar y wefan hon: www.ico.org.uk

Er mwyn arfer eich hawliau chi, cysylltwch â'r maes gwasanaeth y manylir arno ar frig y ffurflen hon.

Y Weithdrefn Gwyno

Os ydych chi'n anfodlon â'r ffordd y mae Cyngor Bwrdeistref Sirol Caerffili wedi ymdrin â'ch cais/gwybodaeth chi, mae gennych chi'r hawl i gwyno. Cysylltwch â'r maes gwasanaeth y manylir arno ar frig y ddogfen hon gan amlinellu eich materion chi.

Os byddwch chi'n parhau'n anfodlon, mae gennych chi hefyd yr hawl i gwyno wrth Swyddfa'r Comisiynydd Gwybodaeth. Am ragor o wybodaeth am y broses gwyno, dilynwch y ddolen hon.

www.caerffili.gov.uk/My-Council/Data-protection-and-freedom-of-information/Questions-and-complaints?lang=cy-gb

Crynodeb o'r Hysbysiad Preifatrwydd

Sut y byddwn ni'n defnyddio eich gwybodaeth chi

Gall y rhai sydd â faniau a/neu drelars ddefnyddio Canolfannau Ailgylchu Gwastraff y Cartref yn y Fwrdeistref Sirol os ydyn nhw'n byw yn y Fwrdeistref Sirol ac at ddibenion gwaredu gwastraff y cartref neu wastraff adeiladu/dymchwel domestig.

Er mwyn sicrhau hyn, mae gennym ni system drwyddedau ar waith. Mae trwyddedau ar gael yn ein swyddfeydd arian parod ni neu ganolfannau gwasanaeth i gwsmeriaid. Mae trwyddedau am ddim ar gyfer gwastraff y cartref ac yn cynnwys ffi ar gyfer gwastraff adeiladu/dymchwel domestig. Mae trwyddedau yn rhai defnydd sengl ac mae'n rhaid eu hildio i aelod o staff yn y Ganolfan Ailgylchu Gwastraff y Cartref rydych chi'n ei defnyddio. Cedwir trwyddedau am 3 blynedd.

Mae gennych chi nifer o hawliau mewn perthynas â'r wybodaeth, gan gynnwys yr hawl i gael gafael ar wybodaeth sydd gennym ni amdanoch chi a'r hawl i gwyno os ydych chi'n anhapus â'r ffordd y mae eich gwybodaeth chi'n cael ei phrosesu.

I gael rhagor o wybodaeth am sut rydyn ni'n prosesu'ch gwybodaeth chi a'ch hawliau, cliciwch ar y ddolen ganlynol:

[{Hyperlink to Full Privacy Notice on our website}](#)